



Kementerian Perdagangan Dalam Negeri
dan Kos Sara Hidup



PERBADANAN HARTA INTELEK MALAYSIA
INTELLECTUAL PROPERTY CORPORATION OF MALAYSIA

KENYATAAN MEDIA

MyIPO PERKUKUH USAHA PEMBANGUNAN KOMUNITI MELALUI PROGRAM SANTUNI MADANI DI KAMPUNG SUNGAI JERNEH

LUBOK CHINA, 15 MAC 2025 – Kampung Sungai Jerneh, Lubok China, Melaka telah dipilih sebagai kampung angkat Perbadanan Harta Intelekt Malaysia (MyIPO) menerusi Program Satu Pemimpin Satu Kampung (Santuni MADANI). Kampung yang mempunyai sekitar 300 penduduk ini dipilih untuk memberi tumpuan kepada pelbagai aspek kesejahteraan penduduk setempat, termasuk isu kemiskinan, keciciran pendidikan, kesihatan, pengangguran, serta keperluan infrastruktur yang perlu ditambah baik.

Program Santuni MADANI dilaksanakan bagi memahami keperluan masyarakat luar bandar dengan lebih mendalam serta mencadangkan penyelesaian yang bersesuaian. Melalui pendekatan libat urus secara langsung, MyIPO dapat mengenal pasti cabaran yang dihadapi penduduk dan menyalurkan sokongan dengan lebih berkesan, sejajar dengan Matlamat Pembangunan Mampan (SDG) yang memberi tumpuan kepada pembangunan komuniti secara inklusif. Program ini turut berperanan dalam merapatkan jurang kemudahan antara desa dan bandar, memastikan setiap komuniti mendapat akses kepada peluang yang lebih baik serta bergerak seiring dalam arus pembangunan negara.

Sebagai sebahagian daripada Program Santuni MADANI, majlis berbuka puasa di Masjid Ibnu Sina, Kampung Sungai Jerneh ini telah diadakan bagi mengeratkan hubungan antara institusi dan masyarakat setempat. Majlis ini dihadiri oleh 200 orang penduduk kampung, dengan 52 orang asnaf, pihak masjid, dan peserta tadarus menerima sumbangan bagi membantu komuniti setempat. Selain itu, MyIPO juga menyumbang kepada usaha menaik taraf balai raya kampung bagi memastikan penduduk menikmati kemudahan yang lebih baik untuk aktiviti sosial dan kemasyarakatan.

Melalui program ini, MyIPO berharap dapat memainkan peranan lebih aktif dalam membantu komuniti luar bandar mencapai pembangunan yang lebih seimbang dan memberi manfaat jangka panjang kepada penduduk.

Penyampaian sumbangan disempurnakan Ketua Pengarah MyIPO, Kamal Kormin. Hadir sama, Timbalan Ketua Pengarah (Pengurusan) MyIPO, Sheikh Arifin Sheikh Mohd Noor dan Ketua Kampung Sungai Jerneh, Jaafar Atan.

TAMAT

Untuk maklumat lanjut mengenai kenyataan media, sila hubungi:

ENCIK AKHTAR BIN SAHARI
Ketua Komunikasi Korporat
T: 012-6725667
E: akhtar@myipo.gov.my

CIK EMELIADIANA BINTI ALAWI
Pengawai Komunikasi Korporat
T: 011-19815143
E: emeliadiana@myipo.gov.my

Perbadanan Harta Intelekt Malaysia,
Menara MyIPO, PJ Sentral,
Lot 12, Persiaran Barat, Seksyen 52,
46200 Petaling Jaya, Selangor.
Tel : 603 – 7496 8900
Emel : ipmalaysia@myipo.gov.my
Laman web : <http://www.myipo.gov.my>

PERBADANAN HARTA INTELEK MALAYSIA (MyIPO)

MyIPO merupakan sebuah agensi di bawah Kementerian Perdagangan Dalam Negeri dan Kos Sara Hidup (KPDN) bertanggungjawab untuk pembangunan dan pentadbiran sistem hak harta intelek (IPR) di Malaysia. MyIPO menyediakan infrastruktur perundangan yang kukuh dan sistem pentadbiran yang berkesan untuk meningkatkan inovasi dan kreativiti.

PROGRAM SANTUNI MADANI

Program Santuni MADANI merupakan inisiatif yang membawa mandat YAB Perdana Menteri dalam usaha memperkasakan komuniti luar bandar melalui pendekatan Satu Pemimpin Satu Kampung. Program ini bertujuan mengenal pasti cabaran sosioekonomi masyarakat setempat serta merangka penyelesaian yang bersesuaian melalui sesi libat urus dan pemantauan secara langsung. Fokus utama program ini adalah untuk meningkatkan kesejahteraan penduduk, memperkukuh kemudahan asas, memperluaskan peluang ekonomi, serta memastikan pembangunan yang lebih seimbang antara desa dan bandar. Pendekatan ini sejajar dengan Matlamat Pembangunan Mampan (SDG) yang menekankan pembangunan inklusif dan lestari di peringkat komuniti.